

臨晉縣志

志議

上篇

廬江王正茂纂著

臨晉縣志

本衙藏板

臨晉志叙

甚矣予之喜似也者走於今者十五年潦水無根之學涸已久矣奚能志哉自調任桑泉地僻而繁且瘠時軍需膏午置頓之痺驛獨之

馳難以簿書獄訟之紛沓宵旰問吁駭震動不能自已又奚暇志哉夫不能志不暇志而強為之則為已甚也謬已長庸巨子舍我其誰然向嘗考陰之志副於世合張舜臣

善在嘉靖二十二年也。高唯
崗從脩桂葉，歷時隔六十年
矣。越七十載為

國朝康熙丙寅，歲癸卯，以治乃
有事於此。迄今近百年，地理
之沿革，人物之變遷，賦役之

改易，禮儀風俗之流傳，其
可考而知者，已什遺四五。及
今，不為後之人，物以從藉，手
至石，妻馮子文止，來視予，
將昇以是任，起而尋曰：止嘗
有事於臺，問志，今猶歎然。

此就率意可舉諸吾師待
之越年陽博李子誥來予
復以是商李子亦有難色
蓋二子皆學弓刀補以司
牧者也每當公事稍閒與李
生縱談經史大義自夕達旦

雖互有啓發究亦空言豈
補乃翻然曰我輩何不以筆
易舌乎今雖宦德鞅事終有
隙亦可藉以自娛消此中
苦滯也李子曰筆劄惟吾師
任之諸子搜討而已予聞而

愧且恐不敢遽為也時復體
如似有鬼神迫之者於是取
往志完其原委令乞諸生採
訪近時之人與事以畀予包
滂成篇不計工拙或曰思
夢中或接喜馬上或行

肩輿挾冊而稽或授郵亭
橐筆而裁稿未就者剗生
麟北不介而造謂今軍務方
勞吾師嘗恤民真事何汲
之於此如衣不獲已則告延世
之有文學者為之吾師一旬加

評隲亦者力區半矣予曰子
言是也然古人先其言予
知不逮將以所言策吾行自
為之乃親切亦有得也志星
野災祥可以知人之脩悖志
山川疆域可以知御是之繁衰

志賦役丁徭可以知民生之休
戚其他紀人紀事無不可為才
心之助政治之資焉不然予寧
能志哉又矣嗟志哉志將成
杜生昌炎適至曰吾師之志
以時子贊揮史足稱俗矣然

其過信古人不能諧俗者法
易之可乎予喜曰子以是為
師矣吾以敬師子因留連信
宿时而朗誦時而微吟时而
柶棹而健言時而相合而節
一義之習如太璞初開一筆

之句如鬚絲三斬每興酣意
得杜生輒飲苦茗十巨碗見
者以為怪人而予与李生皆
相見恨晚備恨馮子文止不
得與於躬采也爰付紙牒以俟
他日之筆胡者杜生言予

第廿六李生之君失死而李生
曰杜生与吾师之可乐者文
也吾师学记语荆生之说乎
予曰岂敢忘哉敬诺
乾隆三十八年岁次癸巳仲
冬月是令王正茂书

縣志舊序

余戊戌夏受命宰是邑公餘即詢縣志閱之迺知縣志廢之久矣余喟然嘆曰為政有觀法志者守土之藉資觀法繫焉不然是渡河而忘舟楫鑒貌而乏朗照也自啓號才智之士未嘗不按成蹟遵往詰以成治理矧寔余之鹿昧也分訓周君迺顛末其事嘉靖間黃輿失靜原板湮沒茂才楊生偉好古掇拾所遺稍稍成編視篆王君諱時昇者取而鋟諸梓第體裁未正考核未精勸懲未備不可以訓余欲訂正之以

舊序

一

災祲頻仍日為逋拖計而未遑時向乾荆公在衰經中不可以請迨竣命行人事旋里余以此請公慨然任之至癸卯歲始脫藁焉誠重之也其文雅其事核其勸懲嚴備顯微闡幽範令垂後充為不朽之典足以傳矣噫志非徒備觀覽鑒省為重總之官與民而已民事修則官箴懋官職墮則民事窳惟居官者不以刑罰先德化不以智術勝真誠因性以牖民因時以舉事期不失唐虞三代之遺意焉可也若以德化為迂何山川不改而下民恒性可改乎又何儉約樸

茂之風至今存也余不敏遂撫前人所未備之寔冒
然寓激勸之義即有以杞人臯我者余在所不辭矣
萬曆癸卯孟秋邑令銀麟高惟岡書

舊序

二

縣志舊序

臨晉一邑爾自唐虞夏皆綴旒近畿而攷禹貢職方在冀州雷首之北當時黎元被服三聖人德化何醇釀也至成周封叔虞為晉國則邑固晉地春秋時秦晉交爭寔以威力雄長晉勝則同華等城胥屬版圖而秦勝則入河曲俘王官築壘於此盖幾號戎馬之郊關河之衝矣夫德力遞降山川不改獻善備敗有司具存矧自漢唐宋以來閱世既久往蹟殊多可令磨滅無傳耶且志非小物也無徵不信聖喆所難遵

舊序

三

憲宜民中材亦易昔紫陽夫子守南康甫下車即詢訪郡乘說者謂其知治體亦以見儒先君子宰政臨人規範迥別非鯁鯁簿書期會者所敢望也余邑故有志嘉靖中經地震徃牒湮坳十之八九而一時父老所傳聞學士所稱說又訛信相半嗣是樂陵史公塾屋趙公咸屢修屢罷萬厯丁酉楊茂才曾一脫藁顧間有當紀者遺而不錄當備者略而不詳錄且詳矣或復曼衍舛錯而不可觀盖上下千百載於一人之聰明若斯之艱也會戊戌銀麟高公以名進士來

莅縣事謂邑無完乘亟欲更定之而度務方填越二
歲庚子秋政通時和民安物阜乃造予托以纂輯之
役余不敏竊惟志談何容易古之人江淹號博洽而
獨稱修史莫難於志陳壽善叙述而所著獨於志略
焉余眇聞寡識又胡敢蹈僭妄之譏特以公修廢舉
墜雅追紫陽盛事而不欲重違其意遂參閱舊編蒐
稽史傳遺者補之踈者詳之瑣言嵬說出於耳食者
削之迄壬寅冬粗成前後二年許第猥以牛馬走東
西南北頗不獲自適竄次未已復藏之故篋迄今展

舊序

四

帙而視愧多謬遺意殊弗愜也雖然業報竣矣敢齟
齟標紙上言耶今神聖當陽和氣旁皇休風遐暢方
欲上齊帝王之隆而二三循良官茲土者亦惟是酌
古調今緣章飭治察休戚利病之原鈔鼓舞變通之
幾則必不以威力先德化而唐虞夏后氏之懿鑠再
見其地也區區秦晉云乎哉余故忘謏陋敬體公殺
青意而序之萬歷癸卯孟秋荆養喬書

縣志舊序

志者外史之流也邑有志國有史蓋大小相資分合成書匪細故也而作之者難其人矣王元美謂文人之才在善用虛史官之才在善用寔虛者可以意創實者不得不因遷因談固因彪而家學罕承者則虞預之因王隱蕭嵩之因吳兢皆是也予謂元美自為一部史料說法遷變編年之法為紀傳固於紀傳之後又加褒貶至范蔚宗奮其才力盡變班馬之例嘗自謂論贊竒變不窮殆無一字虛設比方班氏非但

舊序

五

不愧之而已然則因事創義史家之法志亦宜然臨晉舊志遠不可稽明萬歷癸卯邑令高公與鄉先達荆公鍾陽重修之垂今八十餘年滄桑更變事故日增失今不理後將無徵矣歲甲子應城齊侯至雅意興廢築城浚隍之餘詢及縣志授余特簡予惟蘓子瞻一代人豪乃不敢修三國志予何人斯乃敢為縣志然前事者後事之師已往者將來之鑒踵其事而增華變其本而加厲盖用因用寔予固竊取之矣顧因亦豈易言也疆域山川風俗典制田賦戶口徃牒

具在新規攸存然且蒐放失羅舊聞升蛾睂之高原
眺中條之絕頂殘碑斷碣遇景即留牧豎樵夫逢人
便問亦既察徃以知來信今而傳後矣惟是人物列
傳評緣於月旦論定於蓋棺其人或已百年或數十
年或仕入名宦或邑祀鄉賢亦有一片墓石出自昌
黎之手數行封事未效羊公之焚前因已定後嗣難
更然後知子瞻力辭荆公之託者非不能為三國志
也有五代史以為之鑒也雖然史者善善而惡惡志
者紀美不紀惡歐陽公不立韓通傳識者以見作史

舊序

六

之難予於列傳之紀美也蓋自為志之體宜然而非
有私曲於其間矣是役也始事於康熙甲子之五月
訖事於乙丑之九月其間運逢兩秋藁經再易然而
掛漏尚多紕繆不少續而正之以俟後之君子康熙
丙寅孟夏王恭先書

里十四界縣河崇至理



臨晉縣志

固史由來久矣顧舊志疆域外何他不固而惟城池也公署也學校也峨眉春雨之八景也予謂臨地當孔道短長百里為村落二百有奇戶口繁而不殷因依疆域舊圖遍隸四境村墅如負版也後之覽者或有感於斯圖

臨晉志總目

廬江王正茂纂著

受業太谷杜昌炎

陽城李誥

全訂

卷一

上篇

卷二

下篇

卷三

職官列傳

臨晉縣志

總目

一

卷四

人物列傳

卷五

貞婦列傳

卷六

雜記上

卷七

雜記下

卷八

藝文

臨晉縣志



總目

一一

志議

杜生曰自太史公作八書班固易以十志列代沿之尚矣今作邑志曷為名以篇予曰書志體裁大矣非敢僭也因思古自為子者類以篇名一家之私言也予竊取之矣

杜生曰篇分上下得毋擬漆園之著內外橫渠之銘東西乎予曰偶然耳

杜生曰上篇數十六下篇數十四得毋取月之望也羸則十六縮則十四乎予曰偶然耳

臨晉縣志

志議

一

李生曰序上下篇以次相及三十篇如一篇其擬序卦無疑也予曰凡吾所云云卮詞也鈴說也子何以是為拘拘也

星野吾不知也舊志云在參觜觶之次杜生曰一星之所暨者廣而臨僅百里槩屬之與全省何異度其尺寸當在參右足之微北因以杜生之議為篇

舊志疆域合虞鄉今以分縣後為篇李生曰充哉涑水以南皆入虞境雖中條王官之勝山川篇皆不得載杜生曰山不在高川不在廣精以格之民之庇

也

臨稱大邑城褊而池淺李生曰保障也不可
坊里篇舊載村數而已今以四德各依其方屬之李
生曰何謂也予曰視吾篇
杜生曰臨無百物聚而市肆亦通有無予因志之
志物產而愀然杜生曰材之生也不擇地何憾焉
田賦丁徭篇成李生曰何為及明代哉予曰詳所由
來使覽者悉其源流而寬恤之意油然而生矣杜生曰
陸稼書之志靈壽也亦然

臨晉縣志

志議

一一

他志或有畧倉庫者杜生曰此在官在民之要也予
分為篇且詳焉

李生曰廨署僅志庭楹無謂也恤民興事於是乎在
予體此以為志

學校近修之即以近事為篇李生曰風教所倡往事
可逸乎予曰詳藝文雜記

李生曰水利見府志藝文雜記載之甚詳何以復為
篇乎予曰今昔異形也

驛傳篇成幾萬言李生曰斯篇載民累悉矣杜生曰

得毋已甚乎節之

有驛復有舖驛遞以馬舖遞以兵相助也故篇相屬風俗載剋昏喪祭士農工賈歲時節令飲食衣服杜生曰備矣

李生曰禮儀不可勝載曷為篇予曰舉一邑之要

李生曰秩祀徒載通用儀章直抄胥耳予倣古妄為篇杜生評曰此集中之最也尚書曲臺文法兼具予曰子言過矣

羣祀辨神人畧佛老杜生曰民以不迷

臨晉縣志

志議

三

令尹師儒丞尉皆彙舉其名其賢者別為傳此志之通例也

志武弁並詳武備杜生以為宜

選舉封蔭記姓氏例視令尹師儒篇

杜生見古蹟篇以古鑒之說為不誣李生曰流連風景誠何謂哉舊志有八景今當畧之

唐以平陽為晉州予沿革篇謂臨晉者臨此而已杜生曰唐都京兆蒲為次畿地晉州於地屬望以次畿臨望勢也第河東河西二赤地處河身仰視峨嵋不

見臨義帷桑泉為自西而東高阜第一處上承畿輔以臨晉州於義最顯予曰吾有說載雜記矣得子說而更備

李生謂災祥篇何以簡予曰天道遠

杜生悉臨晉方音讀予篇曰未盡也予於雜記補之舊志稱名宦予仍之李生曰古無此稱也易以職官可乎質之杜生曰夫夫是也

李生曰職官列傳斷自明何也予曰金元以前吾不得而悉其人也故不得而傳也

臨晉縣志

志議

四

李生曰職官有詳有畧何也予曰無足異也舉一事而其人精神見舉數事而其人精神見古循吏傳可考也或有名甚美而事無據者不敢附會增益盖言慎也

李生曰列傳叙事雜議論非體也予曰五代史非雜議論者乎李生曰五代史雜議論方望溪嘗譏之矣予曰望溪我鄉先輩也深於經學而論史或泥子試取其集觀之所傳人物清潔平近少沉鬱頓宕之致以其不肯雜議論也杜生曰傳之有議論古矣適猗

氏郭生帶淮至為文以辨之其詞曰原夫列傳體式
昉於邱明偶有發論假托君子盖論所以辨疑惑釋
凝滯若愚智共了無俟商確叙事有之論斷不必此
外公穀之云公羊子穀梁子也史記之云太史公也
與夫班固之贊荀悅之論東觀之序謝承之詮陳壽
之評王隱之議何法盛之述楊雄之譔類於篇終論
斷已乖傳體然而採其善者事無重出省文可知如
太史公曰張良貌如美婦人耳項羽重瞳豈舜苗裔
此則別加他語以補傳文所無所謂事無重出也又

如班固贊曰萬石君之為父浣衣君子非之楊王孫
裸葬賢於秦始皇遠矣此則片言如約而諸義甚備
所謂省文可知也其他議論之作多錄傳語畧加文
飾習為故套殆猶文士製碑序終而續以銘曰釋氏
演法義盡而宣以偈言亦無貴加粉黛於壯夫服綺
紈於高士矣顧源流已遠必欲矯之反疑違例要而
論之叙則為主斷則從畧說者曰太史公伯夷列傳
其體可辨與曰此以論為傳是史遷得意之文正極
變體之文也不可舉一而例餘也然則今志列傳其

體可辨與曰徃志山川坊里田賦與選舉職官等類
從無累丸聚米演成連篇者是皆變體也傳亦何必
不變也然則其體當屬秦與漢與抑近代唐宋與曰
擬秦擬漢擬唐宋之體微論弗似也即刻意求似與
人共生活亦不過古人舊機杼耳夫善學者師心不
師道善畫者師物不師人減灶背水之法踵而敗不
若變而勝也世之為文者脚根不定眼毛隨人惟恐
不肖詡詡自謂古人復出此何異呼傅粉抹墨之奴
隸而謂之蔡中郎也豈不悖哉

李生曰他志分忠烈孝義文學寓賢今統謂之人物
何也予曰凡此皆人物也視吾傳者無不可知其孰
為忠烈孰為孝義孰為文學孰為寓賢也故無俟剖
而析之也杜生曰左史之傳人物也無依類別名之
例李生曰何以近有此例也予曰俗例也

杜生曰傳人物次以時代可乎李生曰史記之管晏
列傳老莊申韓列傳以事相屬者也蘓代之附蘓秦
李陵之附李廣以兄弟子姓相屬者也故不必以時
代拘也予曰然

家元音兄謂節孝大矣何不入上下篇杜生亦疑之予曰事蹟著者入列傳矣無事蹟而往志存姓氏者錄雜記上得之近日傳聞俟異時採擇者錄雜記下記以補傳傳以補篇也

杜生曰人物列傳有異舊志府志者何也予曰古有云矣所見異辭所聞異辭所傳聞又異辭

李生曰列傳止贊董晉成德何也予曰以人重也李生曰司空圖范希朝不重乎予曰傳有未脩以贊足之其美已盡於傳者傳即贊也其或有不必贊者亦

臨晉縣志

志議

七

無庸我贊也

李生曰有論有不論者何也予曰意盡則止已未盡則論之

董晉事已詳於前人予為列傳時擱筆矣李生曰曷以昌黎行狀刪節成篇乎予曰有此體否李生曰在史記

李生曰焦端傳首張達房居士傳首張果何也予曰傳之有標冠也始於史記伯夷列傳之首由光也他若商山四皓事列王陽之首廬江毛義名在劉平之

上皆此例

杜生曰傳近時人有節取者乎予曰有杜生又曰未及傳之人有如所節取者乎予曰蓋有之矣我未之悉也故無傳

杜生曰舊志有墓誌銘何為不載也予曰人物之可誌可銘者詳列傳矣

李生曰志之有雜記也如史之有雜傳乎予曰然杜生曰雜記列舊志山川沿革等篇不似重出乎李生曰九舊志所云云皆篇所未詳者非重出也不沒

臨晉縣志

志議

八

古人於斯為美

李生曰史邦直荊州土諸記胡不入藝文予曰凡此諸記皆直書其事固未嘗以文也胡節錄曰提其要也

李生曰節孝有仍存舊志者有新增而彙記之者何也予曰未悉其人不取傳亦不敢佚故記之杜生曰婚喪諸論皆採自近時何也李生曰古者太史採風非採其近時者乎

藝文之志也或以地或以人擇其尤雅者故不能多

得也

李生曰成介愍寓賢也何為志其文予曰此忠臣孝子泣血之篇也不可以佚今於臨得之即于臨志之李生曰藝文之志也皆有關於身心政治者也王慕適之史序李鄰園之詩序何為而志也予曰二子邑之文學也其文固不可沒也李生曰何為繫之篇末也予曰文藝末也

山川古蹟不載虞鄉而人物藝文備載者山川古蹟不虞其湮沒者也人物藝文則恐久而無徵虞尚無

臨晉縣志

志議

九

志也存之以備他日文獻之考

上篇叙
志首星野疆域天地者萬
物之始也天地位斯山川奠
山川奠形埒池脩由城邑而
坊里由坊里而市肆物產
於是乎滋物產滋而田賦

丁徭出矣有徭賦形弓庫
貯有庫貯斯有倉貯皆理
民財也署解治民事學校
教民偏水利導民農驛傳
恤民力鋪舍達民情教養之
備已是謂上篇

上篇目次

廬江王正茂纂著

受業太谷杜昌炎

陽城李 誥

全訂

星野篇

疆域篇

山川篇

城池篇

坊里篇

市肆篇

臨晉縣志

上篇目次

卷一

一

物產篇

田賦篇

丁徭篇

庫貯篇

倉貯篇

廨署篇

學校篇

水利篇

驛傳篇

舖舍篇

臨晉縣志

上篇目次

卷一

一

星野篇

有謂蒲屬觜而臨附之者非也觜體甚微雖度有三而今已漸入參宿則幾難分其度之所屬惟是其體居參之北則當河之上游吉隰諸州峯巒巒嶭之處不當屬之於臨又或謂河東入張一度夫張為周宿地屬河南惟中條之陽永樂芮城諸處其氣候陰晴與河南近若漸北而永濟臨晉則其雨暘每與河之西不殊而河南未聞焉則云張一者僅雷首之東岸而臨不與也予自令臨以來每詣蒲郡西眺大河見

臨晉縣志

上篇

卷一

一

其汪洋無際日色映之晶光照爛直與銀漢精茫同其炯徹信乎與東井一界之天河應也因是仰觀元象默計熟籌天之一度當地二百里強臨去大河之岍不及百里而中條一帶即參宿之南境自臨迄中條亦不及百里然則其衡度當在參右足之微北而其縱度則入井之南度濱漢不遠也考星野者驗之氣候稽其分数當必有辨之者

疆域篇

邑西北猶舊也東南析於虞距涑昔之畫者曰天成之界盖取土疆山域澤疆水域之意乎然邑東南水域矣西北則何山何水域之哉舊之沃壤在東南虞分而臨瘠矣故臨之人興言疆域悽然也予曰因革自古有之何異焉疆雖瘠有疆有域也且古者建國居民畫疆而理豈昔未分之疆可理今已分之疆不可理乎瘠而肥之在司牧之補救而已爰是度原隰量遠近東至于郇城猗氏古郇國也與臨交界二十里至猗氏縣治四十里南

臨晉縣志

上篇

卷一

一一

至于虞墟

虞鄉古虞墟也與臨交界三十里距涑水河

又東南至于虞墟

治

臨至虞鄉六十里

西迤為雍州

雍州陝西也

逾于河至于郃陽

西

至郃陽界四十里

北至于汾陰

榮河漢汾陰也與臨交界四十里

暨

西

縣西址亦與榮河交界相距三十里

又東北至于介山

介山在萬泉縣南二里邑

至

萬泉縣界六十里

又西南至于河東邑

永濟古河東縣也距

十

里晉至永濟縣交界七

九四境之內廣五十五里袤七

十里褊壤耳以大邑稱謂其地衝而事劇也嗚呼瘠則信之其大幾何縱其有指供餼實多量地任力猗

歟匪那

山川篇

間嘗泛觀周覽志在山川有謂予者曰在昔臨虞之未析也東有王官之瀑北有峨眉之煙南有百梯之

葉西有五姓之船

舊志謂峨眉春雨五姓漁舟方山積雪涑水橫橋百梯紅葉古城落

雁靈峯皓月王官飛瀑為八景

迺者分符割地

謂虞鄉既分也

自北而偏

臨在

北虞偏

亦有大疑小疑桑泉漢泉翠微蓋蓋渺淼清漣

子曷不橐筆韜札泝流嘯巔且枕且漱言邁言旋遣辭乘簡以高耀乎陳編予曝然咲喟爾奮曰予之志

山川也美風景乎哉夫古所謂封濬而陟翕者何也

臨晉縣志

上篇

卷一

三

謂其能降雨而出雲豈曰目遊而懷騁嘅茲魃滌之

山川

時值旱祈雨

恐癘我甚者迺不栗而不穎走雖不德

亦憫民社而心梗矣將佇元覽頤情志攜筇躡屐登放酣歌以逞乎抑將次第山川載申祈禱為爾熒熒

者請也請禱於疑山曰惟爾疑山大小鱗次於傳有

之曰三曰二

疑山在縣治北三十五里五朝志及通考金史皆云有三疑山惟明一統志書

大疑小疑

沾潤黔黎厥有靈寺

舊有龍寺禱雨輒應

咎值恒暘向隅

隕淚神豈不知神司何事請禱於峨眉曰惟爾峨眉之崗肇聞喜北繞猗氏陽邏桑泉之左帶滎河之旁

抱含欲吐迄河濱而溟鬱者誕孕此邦之靈淑曷不

綏福而降康請禱於涑水曰惟爾舊有厥水出橫嶺

迤聞喜涑水源出絳縣橫嶺山伏流而西經聞喜夏縣安邑夏安泮汙猗臨

渺瀾臨之東南流二十里涑水經猗氏者縣南六里經臨晉者二十里宛

渾智光村名水頭貫底皆村名涑水經處湖游從之胥村城子

皆村名涑水經處由薄落而五姓孟明尾閭於河而未已涑水

自薄落頭諸村入五姓湖達孟明橋入黃河惟茲水之齋滌曷不作霖雨

起蛟螭而溝澮之涸如此近年涑水溝渠皆成涸轍請禱於張揚

曰張揚之瀦為五姓湖界會三邑曰永臨虞五姓湖在永濟

臨晉縣志

上篇

卷一

四

東三十五里臨晉西南四十里虞鄉西北二十五里

三縣界會處也平陽舊志云湖旁有五姓居之故以

五姓湖亦曰其過解東而南注也東張西張合其派五姓

湖即古張澤水經云涑水西南過解縣東又西南注於

張揚池酈元注云涑水又西南逕張揚城東漢書之

所謂束張矣曹參與韓信東攻魏將南陂西陂衍其

途涑水又西南屬於陂東陂世謂之昔之瀾而汜者

河東道喬光烈蒲太守周景柱修今且塞而汙匪塞

涑水姚暹二渠事在乾隆二十年

而汙旱甚鮮濡願爾湖神毋溢母淺引濁揚清澶湣

漫衍膏我黍苗奠我疆畎桑漢佐靈於乎不顯桑泉詳沿

革篇灑泉在縣西三十里黃河吳王渡岸側榮河郤

陽俱有灑泉明一統志云灑泉有三一在同州一在

郤陽一
在臨晉

或曰子之志山川也似祝似嘏如怨如怒哀
響雜臻非志而賦耶予曰靈均之騷建安之七意有
悲傷應聲而出况山川鍾天地之靈竒同社稷之保
恤視蟲蟲而若無知得不告之以苦疾若鏤風月而
組雲霞則有幽人墨客之繁詞非司牧者所能殫述
也

臨晉縣志

上篇

卷一

五

城池篇

邑枕峨嵋崗周三里二百三步高二丈八尺址丈壕

深丈門四

東曰泰和西曰慶豐南曰中條北曰峨嵋孫宗元增修時改門額東邇陽西福潤南

拱條北

迎恩 唐天寶二年築也隆慶時黃茂易堞以甃厥

後史邦直高惟岡閱自寅孫宗元相繼繕脩土厚而

基寬故能以自堅柱然予重有感者邑古戰場也城

為墟矣惟明之世民戶稍殷縉紳接踵豪家甲宅巷

陌雲連市衢耀綽楔之觀池館發喬鶯之韻斯邑之

盛盖有可言迄乎闖氛蕩燒掇焚杆我邑人用弗

臨晉縣志

上篇

卷一

六

能保聚郭内外户不及千餘介次旗亭半為跼犁之

所蕪城之賦豈不傷哉於是有為形家之言者曰邑

之衰旺地脉之轉也當開新南門而塞其舊不數十

年塞新又數十年仍塞舊

高惟岡廢南門瓮城開新塞舊閱自寅重築南城樓

徐煜塞新徐斫塞舊

予於邑之薦紳耆老問故皆不知環而問

於予予曰吾何知哉謹封守時啟閉予之事也戒繭

絲勤保障予之責也予不敏矣後之君子有裕以民

甯者乎成城已

坊里篇

在城曰坊附城曰廂鄉都曰里俗呼也今仍之臨自
析虞以來坊廂不改而里去其三分之一有奇余取舊
志削其已去者而命存者以名盖仿畫郊表里之意
云爾坊廂曰在城里古也四關屬焉小村與城南二
庄俱屬焉余嘗周覽郭郭乘闐闐而望烟火不及千
家闐闐不及一里坏垣無磚石之贅覆檣皆薛暴之
瓦蕪蔓胥縈糞壤填噎未嘗不儻然失悄然嗟也曰
何斯邑之皆窳哉由城關而歷鄉都比落鮮少洎鹵

臨晉縣志

上篇

卷一

七

為多遙而矚其堡若土缶然即而視其所有窅然空
然如懸磬噫匪貧也其憊也安能舉篷首枵腹之衆
而驟偕之大道乎然而民生不易申勸用休因以仁
義禮智名其鄉欲吾民重四德以召百祥亦管生張
四維之意也在東之里曰仁首仁一里村十之成數
也言成民為先務也

白堂水頭大庄小庄店頭渠下
東任上西任上下朝衛家屯

仁二里村七

城東城西東馬村馬村屯
樊橋鎮樊西堡樊北堡

仁三里村十

二里村五

東帶西帶南觀底北觀底中觀底景家庄石
家庄北景庄卓見村好義村樊東堡樊南堡

仁四

里村五

吳家庄韓家庄南大
陳北家庄泉見村大

仁五里村九

南家庄北王去村

許家運高家運令狐
村令狐營許家庄
仁六里村八
寺前寺后亭東村

平庄鹿皮
窑霍村
仁七里村九
回龍北武村上村東張家

閣
頭仁八里村四
席家窑卓里村西
凡在東之村六十

有四水頭觀底城東城西近涑水雖平昔無漑澇利

遇漲則廝渠以資灌胥役撓之借官道而攫利也余

與父老約水至則以板為杓下流不壅上行不濇居

者行者皆利焉父老頷之當永此例以杜後擾惟是

東人之得水者村不過四五他皆燥土且村多纖小

如南王回龍僅伶丁數戶一經過之惻然有隱也樊

臨晉縣志

上篇

卷一

八

橋之衢西北二堡

謂樊橋鎮與西堡北堡

發匱探囊者徃徃而

有帶村卓村亦如之此當責之鄭鄙之長余撮東之

大勢言之人心靜厚馴風醇醲無鬯糝而恣嗶呶者

無狂趨而逞獷狻者純純常常者士也填填顛顛者

氓也山無蹊隧澤無舟楫比屋聚族連屬其鄉此古

之所謂仁里故命之以仁也言仁必及義請命之於

西西近北坡染土之惡睚眦而勃蹊蹠踟而衝躅詣

官則飾小說而不顧理如潘西石彪角盃其民似病

瞽者惟雲重菩薩綽有古絃誦風故謝太史姚吏部

皆以學顯其後亦代有文士乃菩薩戶繁而駁屠牛

盜驢齒擄構者亦時時訟周吳張吳吳王鷄樊類是

潘西七村有艤舟役陝西濟且歲出蘆葦供驛與倉以

有灘利故役之然節省調劑在良有司矣西辛得石

炭利亦以供官雖給值不無僦載累亦當恤也義有

十里曰義一里村三潘西張義二里村四吳王姚庄

義三里村九太平庄前胡家庄后胡家庄雲重義四

里村六角孟清池張吳原上義五里村七郭庄周吳

西張西周吳周鎮義六里村十土牌東孝子西孝子皮土社

臨晉縣志 上篇 卷一 九

槐庄栢義七里村四張留積善張留義八里村十三

辛豐鷄樊太豐峪南趙張北里營周吳營樊義九里

村四富勤庄張包村上義十里村三樊哲寺凡在西

之村六十有三南鄉有禮讓風故命之曰禮地無上

腴稍沃衍者得桔槔之輸灌也如城子埭戶亦間稱

小康資富能訓如過船樊橋城子埭胥村皆彬彬焉

通而不失於兌其遊心於禮之和者耶聰俊之士揮

翰吐珠似毓中條涑水之秀其里有十與西並曰禮

一里禮二里村皆六北連南連中連文極南王馮家

永德下永德留上村 禮三里村十 七級村七級鎮小

留上營屬禮二里 禮四里村九 內和楊村柳池盤

庄田家營鮑家營呂 禮五里村七 過船黑順令助牌首孫

三合庄內和 禮五里村七 董家庄燮橋屯

六里村十 東程西程王肖永樂東吳 禮七里村四 東

姓西五姓五 禮八里村六 陳村杜村宋家庄文 禮九

姓屯古城村 禮十里村四 胥村吉令城

營 凡在南之村六十有八東西五姓稍藉湖灘利然

無足多者開張數村有柳枝役 夏日供馬號公 胥吏

緣為小奸當稽也七級之鎮博塞以遊牌首永德草

臨晉縣志 上篇 卷一 十

竊所匿此不以禮者也當糾之以刑北方寡學者故

儒士不及焉然近亦間出惟地勢坱圠畛畷窳異

等民俗遙蕩恣睢媒媒晦晦向者平宜王申諸村慰

賢焚和喧呶不靖離跂攘臂乎桎梏之間為坊里大

絃予曰此蔽蒙之民也其作也鳥不擇木其仆也獸

不擇音朶擲雷礮罔可踢蹴將奈何哉然而君子之

賊國也毋束縛毋馳驟導以柔巽化其頑果此克剛

之道也故猖獗者靜不此之務而專以刑是欲去壅

哽而塞其竇也謂非商鞅李斯之門徒哉夫 惑易

方大惑易性故欲去民惑者必先復其性目徹為明
耳徹為聰心徹為智欲復民性者必先徹其心余之
命名於北曰智為欲徹其心而復其性也智里十有

一村五十有九智一里二里三里各五村

宅子王申
平宜北營

小陳屬智一里宏土小樊東齊王柴家庄韓高庄屬
智二里孫遠村潘家庄柳家庄后土營六條道屬智

三智四里村八

義堂陶唐婆兒村婆兒庄莫
淘池甘露園陶唐庄古今屯

智五里

村七

坑東坑西南暢北暢
上王堡里齊家庄

智六里村三

趙村馬村
北辛村

智

七里村五

泥坡嶺后道場東
福壽屯西福壽屯

智八里村八

東庄卓逸
上卓左家

压陳家庄張家坡
李家坡高家坡 智九里村四

柳村壯張周家
窑趙家窑村

智十

臨晉縣志

上篇

卷一

十一

里村四

舂子村西窑里
樊家庄靳家庄

智十一里村五

樂善高堆丁
压羊村崔家

姚村 村終之以五者天地之數也體天地之理以類坊

里之情故仁義禮智於是乎全矣然而整躉以為仁
者非仁踉跂以為義者非義摘僻以為禮者非禮詭
竊以為智者非智必也為民牧者洒濯其心壹以待
人軌度其信可明徵也由是洞達胸臆膠漆肌髓四
境之內關節脉理相通為一以一邑為一身四德全
而百祥至天無恆暘時久旱
不雨地無伏陰人無疵癘物
無天冥上以宣

聖主之膏澤下以成官民之福應則亦洋洋美德乎此坊
里之太和也或曰子之論旁魄而覃訏矣母乃誕而
寡當乎予曰古之人有布衣刑於家太和有象者矧
一邑乎哉然以予言之猶蠶之當車也願以告後之
宰坊里者

市肆篇

蓋聞廓三市而開廛籍九道而列肆質人塵人掌其
稽胥師賈師聽其治恃泉府之流通物紛紜於介次
降及後世法雖踈於古人亦有通都大邑品物殫陳
商賈駢坐縑賄翕臻軫連轂擊隱隱鱗鱗固亦市肆
之壯觀也未若斯解臨為解縣之湮淪盖其棄良而鞠苦
也務齷齪而算頤匪塊麗而堂皇嗟厥裁之不廣豈
地道之靡光側陋迫脅世世常常試撮言其景象為
弇鄙之推詳有典鬻者短褐鞋鞋膏鍋刈鎌栲栳樞

臨晉縣志

上篇

卷一

十三

林之收藏也有鐵鬻者刺鍼穀缸業鋸權錘釘鏟鑿
錘之鋪張也有麥黍鬻者屑麩餠餛飩餠餅糜
餈餽之芳香也有繩鬻者麻絲草索布幡楮錢
絢纒擣抄之游揚也裨販百金則高睨掀髯屠沽一
啜若玉瑩金觴此皆市肆之纖儉而鬻者求者已成
自古之康莊然而未已也亦有七級樊橋城西城子
聚集開場斗桶相倚臨有十集曰西關七級樊橋城西城子埽夾馬口卓里角杯周
吳宋家庄今舉日別雙單集分雙日單日期分六七集期有逢六逢
四集以槩其餘日別雙單集分雙日單日期分六七集期有逢六逢
七者從一至十凌雜米鹽陳列鈔耜夏茄冬瓜秋桃
各集各分其期

春李買楛釵以為粧咀秦椒以為旨衣縣鶉而罨勉
有無駕罷牛而往來倚徙於是富中之甿輕薄之子
覩而嘆之曰市肆若彼市集如此將敝敝而何止也
予曰叱避毋箕口民勤斯嗇嗇斯久嗇者固窮奢者
速朽衣皮茹血謂非上古之敦龐茅茨土堦謂非中
古之篤厚吾民乃陶唐之遺也願取山樞蟋蟀之篇
向市人而鼓缶若夫釀錢社會舉國如狂淫聲煩手
惛堙不臧擾雜子女習焉若忘
社會婦女羣遊
觀劇當禁也斯乃
俗之敝也願立司市而導之以義方

物產篇

歲在癸巳六月徂暑三旬不雨甚以狂飈禾偃蹇而
將枯物紛紜而寡潤耆甿寤歎都遂禳祈余職在親
民能無心悼適因禱旱志及物產旁引交通喻意戚
志非以愁苦為工也哀哀之音或者動蒼蒼之聽乎
倡曰跪敷衽以陳詞兮願下民之無飢孟夏之登有
幾兮匪九穗而兩岐何稷黍與梁秫兮被颶颶之慘
酷寡比户之一鍾兮迺更隕茲嘉穀菽荅曠莽而相
望兮孰共峨眉而舂糧棧無留兮豈弗蔓孰以聿雙

臨晉縣志

上篇

卷一

十五

為糗芳黃豆何以作腐兮胡麻又何以充腸倦步馬
於原田兮延佇乎吾將反悵振槁於百畝兮問滋榮
於九畹冀枝葉之峻茂兮願俟時乎爰刈楚葵既無
可采兮謂灰蔕其不可佩蕪青萎而疇起兮敝胡荽
之纏纏瘁陸草與蒹葭兮攬萑芥而無蘘芳與澤其
雜糅兮用索黃芽於晚菘蘆菹種異而可餐兮求薯
蕷於山峰菜伯其和旨有兮豐本種而能以思渤海
之廣種兮信當年之有守彼大胡之間小兮余固不
解此算願也荼薺何異甘苦兮慘不知其故也樹瓜

華而可齧兮或宜夏而宜冬彼密筍其洵美兮豈車
篝之重重南蕃之種離離兮共落蘇而縈墅尚榮花
之未落兮孰求美而釋汝紛吾遍採此瓜寔兮迺檻
百果之具繁桃李之占歲穰兮邇吾道乎郊園思朱
仲之照鄰兮勿若天台之乏食惟杏林之有穀兮相
觀民之計極何十斛之有脯兮孰以兩顆為千鍾蒲
萄縱有乳兮誰能遍哺乎三農烏稗聊以果腹兮謂
天漿其不可挹棗攢攢而餽籩兮豈如瓶之可拾何
所獨無芳草兮苜 連枝而夾道葦荻延蔓於河濱

兮衆取林於秋老皆民利之所聚兮比稼穡之維寶
編馬蘭而可席兮采 侯而聞香毋賦茅茹而為擾
兮鑒往事於武昌蓬蕭之為藜醜兮固樵蘓而可爨
也訪炙艾以療瘡兮迺值為此薪炭也柏參天而聳
櫛兮汜不覩溜雨於霜皮檉柳不偏於沃土兮云何
得號為雨師長楊兮宜梁紋楸兮匪線撫庭畔之虛
精兮想民情其可見民怨慙而羣禱兮桐胡無乳而
無雲求中牟之馴雉兮恐墻下之無聞望穀桑而非
穀兮翳為布而為紙靈椿與散樗兮曷不去惡而即

美睇白疊之離披兮豈采擷之無資
臬苴之異雄雌兮糝麻紛其相遺
鱗鮫各有所適兮密與蠟兮隱涵
輝物繽紛而變化兮喟憑心而歷茲
班陸離其上下兮折瓊枝而慕之
惟衆卉之芳菲兮指牡丹為富貴
富貴其不可求兮衆曷薰心於媵
魏彼將離之在揚兮為昔日之民
殃胡棗泉之犖确兮亦睹茲紅紫
之餘芳玫瑰雜飴而美食兮莫備
司里之供億月季應時而吐紅兮攬
風霾而有菜色迎春兮馥馥刺紅接
兮刺牽衣惟蜀葵之脩翹兮傾太陽
而瞻依意躊躇

而搔玉兮卑鷄冠之陋俗鳳莫雜乎
幽草兮萱莫憂乎心曲指朝菌之為
宵小兮香不臭乎檀梅垂絲妖嬈而
艷麗兮余何用乎行媒紛畫錦與裁
青兮方偃仰乎花之石竹忽厘力穡
之無秋兮霜穎摧而伊誰餐菊惟引
領而盼眇兮毋遂焉而逢殃恐大有
之或艱兮致宿鳥之無糧彼朱朱而
祝祝兮常黜旦而稽時雁峩峩而首
傲兮鳧呶呶而行遲斯閭閻之常畜
兮樂孕字之恬熙彼郭公之拂羽兮
來黃離與黑燕業呼農而看麥兮謩
不謀乎秋荐鶉附草而為匹兮

烏反哺而能慈分仁義之一體兮豈微物之無知飛
奴之性淫兮風鳶之性鷲淫者無誨我民兮鷲者無
傷吾穗恚烏鴉之不祥兮嗟啄木之如刺彼訓狐與
鴟鵂兮何造物之寵茲非類因飛鳥以致辭兮羗迅
高而難當憚獠升而緣木兮媠不醜夫牛羊牛力耕
而弗穫兮羊墳首而傍徨房駟不靈於阜櫪兮豈耳
公之可超驤貳豚失水而違性兮犬渴奔而瀆死苗
就稿而無可害兮鼠將曷從而叩齒驟無乳之可滋
兮狐更無憂乎濡水方諸其不可取兮狡兔何須乎

明視羗遭囿而不息兮將往觀於五湖湖不可索升
斗兮鯉王搖尾而何趨謂銀絲其無可膾兮謂鯁鯁
其不可釣擊社鼓而將敝兮蛇鱗于何而遠趨塊獨
守此無澤兮氣沉抑而悲中竊慕詩人之遺風兮聊
托興於雕虫彼三化之為蠶兮或似虎而似馬維黃
絹之粗惡兮嗟民利之已下蜂衙之釀蜜兮不可以
御窮促織之催懶兮不可以代農功蝶翩翩其抑翅
兮蟬噉噉而同聲蜓飲露而腹滿兮螻蚯啁晰而低
鳴春秋遑遑而日高兮曷不借飛凰之巨爪仙姑翕

翅而穴處兮焉能極夫遠道蝸牛結殼舍而不違
夫何以責其捷巧將以宵光為明兮明耿耿而無
將以蚍蜉為道兮道寥寥而細微將以網公為智
惡塵網之多非將以泥蝦為樂兮陷泥淖而安歸孰
以蟾諸為不死兮高莫聞其霓羽惟螻蛄與蜚螂兮
競逐丸於下土鼠婦與土鼈兮何多而不潔也螫手
而混蛆兮何更生此毒蠍也謂蠍虎之食蠍兮何更
毒生而毒滅也叩頭之虫何罪兮乃稽首而不違質
當之虫何畏兮乃蓋穴而深蔽笈蝙蝠之晝避兮乃

陳思所罵唾螳螂舉足而搏輪兮汨不知其進退何
營營之青蠅兮乃亂色而亂聲蚊蟲嚙膚而得計兮
胡銳喙之依人覽察微物其猶未得兮將舍意而曷
伸惟大造之廣生而並育兮期母降沴戾于斯民少
歌曰有飛潛步有動植步蘊隆蟲蟲於邑無色步我
顛我民有力有食步我守我官求牧無玷職步亂曰
田邑千畛人阜昌只

聖人在上德澤章只儵忽雲霓雨滂洋只稿勃然興歲豐
穰只億萬斯年庶物康只

田賦篇

邑之利病田賦其大端也予始至臨問賦量鄴長鄙
長挾冊而前予手披心稽知其水葦平坡砂鱸花鱸
湖灘各異名原額新增民地軍地各異數夏麥秋米
絲絹馬草各異征大旨不外乎禹貢之九等周官之
一易再易而瘠薄之壤民力多艱人人皆有瞻仰痾
瘵之意予曰有上地乎曰水葦地為上然今之存者
參畝而已其舊則捌頃也

水葦地盡分于虞存者參畝捌毫零明之舊額水葦

地捌頃肆拾壹畝柒分壹厘
零每畝征銀壹錢壹分零
上平地次於水葦者也

臨晉縣志

上篇

卷一

二十

中平地次上平

原額上平地壹千壹百玖拾頃捌拾壹畝捌分貳厘零

平地陸千壹百參拾貳頃伍拾肆畝柒分每畝徵銀柒分捌厘零

花砂鱸坡地全砂

荒鱸地皆瘠已

原額花砂鱸坡地伍百伍拾柒頃參拾參畝貳分零每畝徵銀肆分捌厘

零全砂荒鱸地壹百柒拾參頃壹拾壹畝參分玖厘零
湖灘地有上

中下之分田之出沒視水之長落

原額湖灘上地柒拾壹頃壹拾伍畝

貳分七厘每畝徵銀肆分陸厘零湖灘中地肆拾
貳頃肆拾肆畝肆分柒厘零每畝徵銀參分零
由

明以前凡地捌千玖拾肆頃捌拾貳畝有奇皆萬歷

時清丈之數視明初已增矣予統計臨田中地多於

下地下地多於上地所謂厥田中下者也賦之曰

夏麥絲絹

折徵銀柒千柒百壹拾貳兩陸錢陸分伍釐零

曰秋米折征

銀玖萬

千玖百捌拾肆兩柒錢捌分壹釐零

曰馬草折征

銀捌千叁百玖拾柒兩貳錢柒分陸釐零

曰驛傳站銀

伍百二十一兩肆錢捌分柒釐零

曰鹽丁除站銀

貳百壹拾

柒兩陸分零

曰加增絲絹銀

伍兩捌錢伍分

萬歷末年每畝加賦

玖釐曰玖釐銀得銀七千有奇凡明之賦陸萬柒千

捌百柒拾肆兩夫明自嘉靖有清丈地畝之詔田賦

已倍其數萬歷間立一條鞭法以正供雜派為綱地

丁之額列於後變古者量入為出之意而量出為入

矣玖釐之增當其時民未嘗不以為異久亦習為故

臨晉縣志

上篇

卷一

二十一

常視同正供

國朝定鼎以來明之荒地荒糧豁免者不一而足忠厚

開基民命永賴矣順治四年祝大中丞請蠲免荒地

肆百貳拾柒頃

零陸拾貳畝

七年墾地貳百壹拾頃

零拾柒畝

十三年增地壹百捌拾肆頃

零肆拾貳畝肆分

十四年縣令

孫宗元清丈民田得地叁百捌拾捌頃

零伍拾肆畝

或減

或增其賦以田為等康熙元年墾地壹百叁拾玖頃

零捌拾畝

五年楊大中丞請蠲免荒地壹千柒拾玖頃

零叁

六年定地陸千叁百頃

零陸拾叁畝玖分

征銀伍萬肆千

貳百捌拾兩零貳錢壹分夫臨之地盈縮以柒千頃為率

耳而蠲至壹千餘頃之多

國家之厚德深仁所以潤及蒸黎者大矣哉故臨之人

到今無不感動歎歎傳頌稱說於勿衰康熙九年發

到南兵墾地叁拾玖頃十六年清隱漏得地貳百頃

有奇晉府更名田玖百貳拾柒頃雍正時墾地肆拾

貳頃有奇其賦皆有差蓋自臨虞未分以前九地捌

千肆百叁拾伍頃有奇征銀陸萬肆千玖百貳拾肆

兩有奇涑水之南分入於虞去民屯田叁千壹百叁

臨晉縣志

上篇

卷一

二十二

拾伍頃零肆拾捌畝銀貳萬叁百肆拾貳兩零柒錢叁分本邑

存田伍千叁百壹拾頃零叁畝叁分征銀伍萬肆千伍百

玖拾貳兩零壹錢壹分雍正十年至十二年墾地玖拾伍

頃零肆拾伍兩零玖錢叁分河灘地壹百壹拾貳頃

零玖拾叁畝玖玖分納粟谷壹百柒拾陸石零柒斗陸升係折色併平陽衛屯田壹千

玖百叁拾捌頃零叁拾玖畝玖分今本邑之地柒千肆百

伍拾陸頃零貳拾玖畝柒分嗚呼臨田近涑水東南者得灌

溉利邑之人以為上腴今盡析於虞則他邑之中地

皆臨之上地矣予嘗周歷郊坳附郭地皆平原較通

邑得十之一雖少灌溉厥土惟中北坡析縣之三素

稱礲确以多溝多坡故其餘廣曠之野彌望如一肥

礲視勤惰為差邑之民田八軍田二軍田者昔屯田

也俗謂之護軍地與民田相錯肥礲無異而糧最輕

邑之雜差皆以糧為準故民地苦於軍地予為均之

邑稱便焉今之賦法有八曰水葦賦

地參畝捌毫每畝征銀壹錢貳

分陸 曰湖灘賦 上地參拾伍頃玖拾玖畝中地壹拾捌

釐肆拾參畝征銀肆分零 曰平地賦 上平貳頃參拾壹畝

分貳釐零中平肆千柒百肆拾貳頃壹 曰花坡全砂

臨晉縣志

上篇

卷一

二十三

賦 花坡地參百玖拾陸畝陸拾伍畝捌參拾玖畝肆

分柒釐每畝征銀參分壹厘 曰砂礮賦 地肆頃柒拾柒畝參分貳厘

曰晉府更名賦

上地壹拾柒畝肆分捌厘每畝征銀伍分貳厘

分捌厘每畝征銀肆分下地壹百貳拾柒畝 曰粟米

賦 征米上地壹拾畝每畝征米伍升河灘塞地壹百

陸石柒斗陸升參合米 曰屯田賦 屯田地壹千玖百

畝玖分伍厘征糧柒千肆百捌拾玖石九斗陸升玖

合貳勺零折征銀伍千玖百捌拾玖兩玖錢壹分壹

厘零屯田下地貳頃捌畝壹釐零征糧肆 九征銀伍

石貳斗陸升貳勺零折銀貳兩捌分零 萬壹千壹百兩有奇平陽兵米之賦折征銀壹百玖

拾兩有奇此額徵之外者也

本邑粟米伍斗折銀玖錢本邑粟穀壹百柒拾

陸石柒斗陸升零每穀壹石折徵米陸斗每米壹石奉部定價銀壹兩捌錢 竊思田賦之

額當視民力為上下古者所以有上錯中錯下錯之

謂也余考州縣征糧之法輕重懸殊求其故則因萬

歷時嚴丈量之法有司不敢缺額各以原額之糧派

於所丈之地地寬則糧輕地窄則糧重臨民不知其

所以然其祖父所傳之地往往不足而侵其鄰俗謂

之地短搜鄰問其鄰之地則又短矣售地者原數不

敷每地盡而糧不盡謂之包空累其身以及其子孫

臨晉縣志

上篇

卷一

一二十四

逃而絕則以累其戶與里孤獨老幼無不糧之人墳

墓廬舍無不糧之地開撥一端則又滋猾胥之詭寄

飛灑冊書之數黠者往往去籍而耕牧民者欲求民

利病所在而調劑之可不於田賦加之意哉

丁徭篇

今上軫念民艱洞悉情隱乾隆十一年丁歸地糧三十七年停編審凡自明以來三等九則審編均徭之弊法胥革吏民無不拜舞歡呼道揚盛美曰此千古所未有也臨土瘠差殷無丁累斃者攸賴不知者謂丁歸地糧則力田者有丁逐末者無丁非法之善夫逐末者豈盡無田耶且逐末者大抵皆東西南北之人時徃時來之地無田矣其土著豈無田耶果無田而逐末則窮人之無歸者耳宥之何不可况昔之按戶

而求丁者依然力田之氓也又何嘗向逐末者求之哉編審一節不過依舊冊繕寫徒煩往返之稽駁而已書吏手翻上下助富虧貧豪強隱匿而貧無立椎之甿胥徒在門枷棒在身以逼其役值甚者轉徙流離身亡戶絕而欠籍不能除昔之言丁糧者曰丁倒累戶戶倒累里斯言痛哉

國家惠政多端徭役黜煩崇簡尤為善之大者萬年有道之長其基於此矣然則丁徭之法畧之可乎曰不可也自明以來有民戶軍戶鹽戶雜役戶分上中下

三門於是有原額丁

丁壹萬捌百伍拾捌丁中下則壹

下上則壹百柒拾捌丁每丁征銀玖錢貳分捌厘下

中陸半則壹拾陸丁每丁征銀柒錢壹分捌厘下

中則肆千伍百肆拾丁每丁征銀陸錢壹分捌厘下

下則陸千壹百貳拾叁丁每丁征銀叁錢玖厘零

有新編丁 順治十二年清出壹百玖拾柒丁中下則

則壹丁征銀陸錢叁分貳厘零下則壹拾叁丁每

丁征銀陸錢叁分貳厘零下則壹拾叁丁每

拾丁征銀叁錢壹分陸厘零順治十三年清出肆百叁

則貳拾玖丁每丁征銀陸錢肆分陸厘零

下則肆百丁每丁征銀陸錢叁分陸厘零

康熙十六年清出壹百叁拾叁丁下中陸半則壹丁

征銀柒錢柒分伍厘零中則柒丁每丁征銀陸錢

柒分伍厘零下則壹百貳拾伍

丁每丁征銀叁錢叁分柒厘零

有修築鹽丁 雍正六年

清出壹百壹拾肆丁俱下則

每丁征銀叁錢叁分柒厘零

戶上則壹丁銀叁兩貳錢叁分肆厘上則貳伍拾玖

丁每丁征銀貳兩肆錢捌分伍厘中則伍拾玖丁每

丁征銀貳兩肆錢捌分伍厘中則伍拾玖丁每

丁征銀貳兩肆錢捌分伍厘中則伍拾玖丁每

臨晉縣志

上篇

卷一

有屯丁

丁柒百叁拾貳

有紳衿優免丁

俱百陸拾貳丁

有吏承優免丁

壹拾貳丁

有不應優免丁

肆分伍厘

有晉府更名丁

壹百壹拾伍丁

有紳衿優免丁

俱百陸拾貳丁

有吏承優免丁

壹拾貳丁

有不應優免丁

肆分伍厘

有晉府更名丁

壹百壹拾伍丁

有紳衿優免丁

俱百陸拾貳丁

有吏承優免丁

壹拾貳丁

有不應優免丁

肆分伍厘

每丁徵銀陸錢柒分伍厘零下則
有加增丁順治
貳丁每丁徵銀參錢參分柒釐零
年增織造綾絹工費銀貳拾貳兩伍錢玖分貳釐九
壹萬參千伍百肆拾參丁半各征不等共征均徭竝
買辦本色顏料加增地差織造等項共銀柒千參拾
壹兩壹錢陸分零乾隆十年歸入地糧徵收額外徵
匠價銀肆拾參兩捌錢壹
分捌釐亦攤入地糧徵收
凡茲條件縷分而晰存之

守土者可以知民力之普存而惻然其有隱矣予稽
臨今日之戶貳萬柒千口壹拾伍萬古者力役之征
家出一人臨之戶去紳紛吏承老弱鰥寡以及無業
之民當不下萬餘戶其堪應夫家之征者不過一萬
數千戶

臨晉縣志

上篇

卷一

二十七

國朝永不加丁臨之額丁壹萬參千伍百肆拾參征銀
柒千柒拾肆兩蓋依然古者家出一人之法也雍正
八年以前戶冊漲沒不可盡稽舊志所載丁徭以康

熙二十二年為止迺竝繫之篇末

國朝原額參萬柒千陸百四丁均徭

銀捌千貳百柒兩肆錢參分捌釐零順治五年審編
實行差壹萬陸千捌百陸拾玖丁徵銀捌千貳百柒
拾壹兩參分捌釐零內均徭并地差銀捌千貳百柒
兩肆錢參分捌釐零加增祆銀陸拾參兩陸錢十
二年除優免捌百玖丁半實行差壹萬伍千玖百參
拾陸丁征均徭銀陸千捌百參拾兩參錢伍分參
厘零地差銀壹千肆百參拾兩陸錢捌分伍釐零
加增買辦本色顏料銀貳拾兩柒錢伍分陸釐零
免傷亡人伍拾陸丁逃故壹百肆拾柒丁旋復額康
熙二年審編除優免陸百參拾肆丁寔行差壹萬伍

陸分肆厘零順治十五年加增織造晉府更名屯丁	陸錢捌分伍厘零玖千叁百柒兩壹錢	肆兩肆錢柒分玖厘零地差銀壹千肆百叁拾貳兩	丁征均徭併買辦本色顏料加增銀柒千捌百玖拾	優免鹽丁併原額凡寔行差壹萬捌千肆百捌拾叁	貳厘零自順治十二年至康熙二十一年清出新編	辦本行顏料加增銀千玖百叁拾柒兩貳錢玖分	丁寔行差壹萬伍千伍百柒拾壹共征均徭並買	錢伍分陸厘零二十一陸千柒百壹拾伍拾柒	千捌百伍拾伍丁征均徭銀陸千玖百壹拾肆兩叁
----------------------	-----------------	----------------------	----------------------	----------------------	----------------------	---------------------	---------------------	--------------------	----------------------

在外

臨晉縣志

上篇

卷一

二十八

庫貯篇

庫貯何為而志也在官者以庫為重也故志之也夫在官之庫吾不能紀其數也不能紀數之庫無非有收有解有支有留之庫也而此一邑也無以異於不能紀數之庫之有收有解有支有留也則何為而志也曰衝也瘠也有收有解有支有留無以異於不能紀數之庫而收之解之支之留之則有以異於不能紀數之庫也故志之也衝與瘠何為乎有異於不能紀數之庫而志之也曰有庫而無貯也有庫而無貯

非無貯也收之而必解留之而必支故謂之有庫而無貯也收之而必解留之而必支亦無以異於不能紀數之庫也何為而志也曰收而解者不能紀數之庫與衝且瘠同也留而支不可稍待者衝且瘠與不能紀數之庫異也故志之也臨之賦稅伍萬八千貳百玖兩有奇也耗羨伍千捌百壹拾叁兩有奇也此之謂收也賦稅起運伍萬肆千叁百柒拾壹兩有奇也耗羨起運肆千叁百玖拾伍兩有奇也此之謂解也賦稅留支叁千捌百叁拾柒兩有奇也耗羨留支

壹千肆百貳拾兩有奇也此之謂支也留也然而有

收也有解也有支也而無留也故謂之有庫而無貯

也解數之晰也農桑也新增農桑銀貳兩絲蠟也黃

織造工價銀肆拾兩伍錢伍分錫觔也錫觔改解銀

叁厘黃蠟脚價銀叁錢伍厘錫觔也錫觔改解銀

錢柒分酒匠也商稅銀貳拾貳分叁錢捌分酒課銀

兩捌錢壹部料也戶部水司料銀捌府支也府支

銀捌兩伍錢憲書紙價銀壹拾玖分肆厘選舉

經費也新中舉人坊牌銀叁拾兩舉人旗匾賀儀銀

新中進士旗匾賀儀銀伍兩驛站工料也陽高驛站

武宴銀叁兩捌錢壹分伍厘驛站工料也夫馬工料

臨晉縣志 上篇 卷一 三十

銀捌拾壹兩貳錢柒分捌厘趙城大馬工料銀壹百

貳拾壹兩玖錢壹分捌厘驛憲夫馬小建六口銀肆

錢拾壹兩貳庫有貯則解之者也支數之晰也祭祀也

丁祭壇祭八蜡廟春秋二祭支銀柒拾伍兩壹錢捌

分厲壇三祭支銀拾兩貳錢叁分支銀叁兩貳錢鄉飲

秋二祭支銀貳拾兩捌錢叁分望行香講分鄉飲

銀伍兩陸錢迎春神牛酒席銀壹兩貳錢伍分鄉飲

也鄉飲酒禮銀廉俸也知縣俸肆拾伍兩叁拾壹

兩伍錢貳分典史俸銀叁拾壹兩伍錢貳分知縣養

廉壹千兩巡檢養廉陸拾兩伍錢貳分知縣養

工食也知縣門子二名工食銀壹拾兩肆錢肆分庫

六名工食銀柒拾捌兩快手八名工食銀拾捌兩捕

兩捌錢捌分民壯四名工食銀貳拾肆錢肆分皂隸拾

役八名工食銀肆拾兩忤作四名工食銀壹拾捌

兩禁卒八名工食銀肆拾兩忤作四名工食銀壹拾捌

拾壹兩肆錢肆分傘扇夫三名工食銀壹拾陸兩
 錢轎夫四名工食銀貳拾壹兩貳錢肆分儒學廩生
 十名廩糧叁拾貳兩齋夫三名工食銀壹拾捌兩膳
 夫二名工食銀壹拾兩巡檢皂隸二名工食銀壹拾
 工食銀壹拾捌兩陸拾兩舖司兵二十三名工食銀
 弓兵十名工食銀陸拾兩舖司兵二十三名工食銀
 壹百叁拾捌兩典史門子一名工食銀陸兩皂隸四
 名共工食銀貳拾肆兩馬夫一名工食銀陸兩監內
 更夫五名工食銀貳兩孤貧冬衣花布銀肆拾
 食銀叁拾兩**貧賑也**貳兩肆錢柒分玖釐**驛費也**
 馬肆拾捌匹支銀壹千陸百伍拾叁兩叁錢貳分貳
 釐馬夫貳拾肆名支銀貳百玖拾柒兩叁錢陸分留
 本驛官支銀玖拾兩廠夫六十名支**雜支也**起送赴
 銀柒百叁拾捌兩叁錢伍分柒釐**雜支也**考貢生
 並考中正貢旗匾賀儀銀叁兩繁費銀叁百兩支歲
 修塘房銀壹拾伍兩捌錢支傾銷腳價銀捌拾壹兩
 肆分釐

庫有貯則支之者也解之支之則謂之無留也

臨晉縣志

上篇

卷一

三十一

謂之無留故謂之無貯也何為乎不可留而貯之也
 曰解有期逾期不可貯也支無期而更甚於有期尤
 不可貯也何甚乎有期曰臨瘠也衝也衝則驛之所
 恃者庫也驛之貯不可留也瘠則官與役之所恃者
 庫也祭祀俸工之貯皆不可留也不可留則何為曰
 貯也曰庫之收也收其在民者也庫之解也解其在
 民者也庫之支也支其在民者也庫之無可留而曰
 留者亦留其在民者也民力之普存故曰貯也故志
 之也

倉貯篇

右為倉凡九廩常平穀一萬六千石社倉穀五百石邑之戶三萬六千有奇口十五萬有奇以萬有六千五百之穀欲凶歲濟十數萬口難已然歲凶則匍匐乞貸者衆譬之升斗之水不能週涸轍之魚而魚爭赴之豐歲中歲則倉且為害夫陳陳相因不能不借然非借也派也派猶可也而民尤苦於其催當秋成時村各一票票各一差差之至村也叫號憑陵扼吭俯背民懾伏之若虎豹然臨凡三百村是每歲催

倉必有三百為羣之虎豹咆哮於一邑矣予以為凡茲票差悉宜裁去諭里長各催其村非實在刁民抗納者毋濫用差催然催猶可也民尤苦於其納民之納倉官不能自視也則必委之家丁此輩昂首厲吻呼喝唾諛似惟恐民之不恨者以為威則足以飽豁壑耳而彼老幼罷敝之民自朝至暮守候無時衣冷腹饑吞聲忍詢惴惴焉頸縮股栗於家丁之側近之則不敢言遠之則不能納僥倖一納而菑害又至矣倉書斗級與家丁助虐者也倉書有票費斗級有

量費凡在倉之事無不多為之名以便其需索而又
簸揚之狼戾之廝徒負養之賤又從而竊取之輾轉
消耗而數不敷則又責其再納如是則倉貯之地不
幾陷阱乎夫為陷阱於道以誤人者衆必以為不仁
而共擊之況有父母斯民之責乃以倉貯為陷阱而
又令家丁倉役多為之機械網罟使吾民跼蹐迫脅
於其中而莫之訴乎然則為之奈何曰司倉者必慎
其人而已長隨近日隨官者之名不可使家丁亦不可使必
擇親屬知交稍事詩書而有惻隱者司其事苟非其

人雖昆弟子姪猶為害也其稽察之法當於納倉時
猝然親履其地招吾民至密室屏去左右問賠累之
多寡而民未敢言也誠意以導之溫言以諭之於是
民稍稍近就於我則必令悉其隱彼在倉者亦將知
吾意向所在而不敢肆矣說者曰雜糝稗糠塵以蠹
倉者可不懲乎曰此非吾民也胥後也否則在城之
點為民包納者也稽得其實法當懲平糶因歲歉為
之倉糶市糶則胥役市儈詭名以求售於民無益夫
胥役市儈之於利猶饑鷹之於食也村野之民其在

村如鶉之附草其入市如鴨之行遲以鶉鴨與饑鷹爭食吾未見其有得也然則平糶法宜何曰宜分村稽貧戶之極次定糶數選各村附近素封之家以慈厚著聞鄉里者董之不足則勸富民出粟各糶其村賑濟亦如平糶法令各村衿士稽戶而給其口不必官吏往返稽查致滋瀆擾夫民之被災與禾之被旱無以異民已災而官擾之猶禾已旱而風仆之也故凡舉大事者必持之以靜賑災尤宜粥賑則民往往奔走道斃寒冬饑且凍斃尤甚且饑聚亦可慮也予

聞賑粥之弊胥役有雜石灰等物釀粥使醜民食之立死此不可不知也然則銀賑可乎曰歲凶艱糶不若以穀與麥就給其村此備荒之大畧也若夫因地制宜隨時立法則又在能者

署廨篇

曰署以表位也位者何曰堂也堂曷以表曰大也
正也非大且正者不宜在此堂也堂之偏為庫曰銀
億億衆也財由衆得也堂前為露臺去地尺曷曰露
言天視民視通焉者也或曰澤也臺兩廊胥吏楹也

吏戶禮在東兵刑工在西倉房承發房亦在西次臺隸舍分快皂壯捕四班皆兩兩

相比廊西右為繫囚獄曰繫憫之也此有罪何憫爾
曰父母之於子雖有罪猶若不欲其服罪然露臺前
有坊載箴焉箴官也坊前有門曰儀儀民也儀門外

臨晉縣志

上篇

卷一

三十五

為縣門懸書也縣門外為屏墻塞門也墻東西二亭

旌善申明申彰瘡也廢必書志重也退思廳者間堂室之

中者也退退公也思思過也由此以往則內廨矣不
脩書避累數也廨東隅為尉廨不稱堂曰微也遠則

巡檢廨在縣西二十里麗於尉曰屬也若瞻乏養濟院埋柴漏澤

園讀灑鄉約療疾惠民藥局各有所脩書之曰惠也廢署

曰察院曰布政分司曰按察分司廢廨縣丞廨廢局

曰吳王寨巡檢署曰樊橋驛丞署廢廨主簿廨廢局

陰陽學廢司僧會廢館迎廡廢閣架閣皆不書示不
舉也曷不舉乎爾曰非今署非今廨不舉無害也非

今署非今廨可不舉則今署今廨可不舉乎曰不可

不舉也孰舉之乎曰元大德也元大德中建縣治舉

之矣孰脩之乎曰明至今代脩也明弘治四年堂焚

世藩史邦直高惟崗及國朝齊脩之有道乎曰有

母凶造母速朽母彫民君子於是乎表位

學校篇

乾隆癸巳暮春予與廣文楊田川集諸生明倫堂遍
觀殿廡齋廊門亭階戶皆慨然有剝復之感予迺出
俸倡修邑之士民率其私錢以助奔走就事以後為
羞數月之間用人之力積三千五百餘工構櫨瓴甃
之用足四萬五千三百於是殿廡嚴齋廊肅門亭階
戶皆新昔歐陽子有言學校王政之本也古者致治
之盛衰視其學之興廢臨自元縣尹許榮黨若濟始

建學宮

教諭孫景爽亦與其事

在明則有毛鳳來丁守中李世

臨晉縣志

上篇

卷一

三十七

蕃吳崇禮高惟崗秦懷慶相繼修之

明洪武時主簿葉士溫訓導孟

思顏亦有修學功

國朝孫宗元王光臯徐炘皆有事於學

校自是以後宮墻圯毀士之繩趨矩步而委蛇其中
者牧兒芻豎亦樵樹采蓺其下瓦礫盈堦鞠草塞路
嗚呼今世士大夫經營家室率多雕墻峻宇而於昔
聖先賢說禮敦詩之地漠然一無所動於中豈不傷

哉予既落其成乃復進諸生謂之曰此先師殿也

五間

覩此當志聖人志此先賢廡也

東西各十一間

覩此當學賢

人學曰明倫堂重倫也

堂五間後為二堂九三間右教諭宅九二十一間皆新建

曰尊經閣藏經也

樓三層

曰時習日新齋為諸生勉也

齋東西各五間

其他啟聖名宦鄉賢忠義節孝皆有祠

啟聖祠在

櫺星門左右九三間

名官祠在戟門左九三間鄉賢祠在戟門右九三間忠義節孝祠在廟西各三間

爾諸生其於此致敬祭器宰牲各有所

祭器庫在戟門右九二間

宰牲蒸造所在櫺星門內東西各三間

爾諸生其於此習禮典籍性理

箋釋之書無不備具

廿一史十三經註疏明史康熙字典朱子全書周易折中春秋

傳說書經傳說性理精義

爾諸生其於此取義而稱文夫古

者建國君民教學為先整齊化導之權操於上砥勵

廉隅之節存乎下昔蜀有文翁湖有安定予知不逮

臨晉縣志

上篇

卷一

三十八

矣然願與諸生率勉淬勵相責以遲久之功至於禮

讓興行風俗淳美斯學之成也若僅作廟嵯峨飾觀

外耀豈有當於聖賢心哉學左偏為桑泉書院諸生

於此月試邑令傅克欽始之

喻義堂三間景賢堂五間諸生學舍二十間

房三間

水利篇

禹之治水也行其所無事也而非所論於治涑水涑水者逆行以歸黃河者也嘗考桑欽水經聞喜東山有黍葭谷為涑所從出與臨之漢泉等耳如遇大雨時行漲漫不能歸壑而四溢於城郭廬舍之間則衆山之水助之非一涑之水為之故其勢猛力併而不能驟制又考涑水自唐都督薛萬徹導自夏縣隋姚暹引至虞鄉厥後涑姚二渠合流歷代恐為鹽患一引而北再引而西經流所至皆非其自然者矣今必

順其經流之性則循故道而後可然故道已為田廬之所壞田廬而循故道謂非不通之論哉故道雖不可循而水性之下莫禦蒲解之地東西北三面俱高惟南最下涑趨於南而姚堤障之故曾家營棗圪塔諸村狂溜橫擣民用蕩析離居為蒲東之大賊昔者喬周二公廕念於此因起大事動大衆以邸家營為涑水要害塞其崩口上為之堤崇築數仞馮馮翼翼順渠而西以疏以瀹憤帖鬱宣於是水歸張揚由孟明橋達河近涑渠者資沾溉近姚堤者保生聚誠善

舉也乃越年山水驟至悍挾泥沙衝至姚堤迴瀾倒
饋而涑渠復噎此亦時數爲之而說者謂喬周二公
濬渠猶未寬在南之堤猶未固故害復至此迄今渠
寬深不能踰丈輪蹄之所及若大路然此皆歲修不
勤所致也夫所謂歲脩不勤者民之偷歟官之怠歟
而不盡此也涑水由聞喜而安邑而猗而臨而永下
流之形勢高於上流向者掘下流使深上流守曲防
戒傍河之村皆廝渠築壩次第引灌但有直注張揚
之勢而無橫出南潰之憂近則安猗以上之民盜賣

橫決致使水不歸渠下流日涸故臨之渠工日懈而
永之民更不知脩河為何事今日日督下流爲無益
之歲脩而上流之盜賣罔利視若固然譬猶富人盜
貧人之物不爲貧人追還所盜且鞭策之使服無值
之役豈貧人所樂從哉或曰脩築無利不修則害不
可慮乎曰今所謂水害者非臨永二邑近渠之民之
害也虞鄉以南盜買得利之民之害也且非盜買得
利之民之害也近姚堤之村涑渠利所不及之民之
害也何者在南盜水諸村引而愈趨愈下每當山水

鼓怒瀾汗勢不至撼姚堤不止近堤之民無禦水策亦勢不至為魚鱉不止此而不責盜賣之殃民乃謂臨永二邑之民修築不力之為害也則是抱病者見殺於庸醫而責他人之不為服藥餌也又奚可哉然而盜賣之禁今固未嘗不文告以宣之碑碣以示之笞杖以警之而民猶若此弊在不正其經界而已昔先王溝洫畎澮之法必依其疆理濬之以達於川所以早有瀦蓄潦有宣洩民知有水之利不知有水之害今誠使附近涑渠各村分水之例由舊啓閉以聞

堵禦以壩其引灌也由南而西而北更於南流峻築堤堰大為之防則經界正而盜水之弊不禁而戢矣若夫經界既正民之暗穿堤堰者鬼蜮之術不一不足非官所能熟察而周知當村設壩長數村設閘長十數村設渠長如古田峻之屬水至以時巡歷小犯罰費以助渠工大犯稟於府縣吏坐以盜決河防之律而沿河各村為定築渠之寬深丈尺於農隙時官為量度如有丈尺不足者責在壩長閘長渠長如是則水得暢流西北順軌歸湖永無積闕之患凡與歲

脩者皆得均享其利數縣氓庶永慶生生喬周二公
之功益廓且充以視遲徹之所始營其功不有尚哉
予思渠之重歲修也夫人知之而不知盜賣不止則
歲脩徒虛名盜賣之為害也亦夫人知之而不知經
界不正則盜賣難久禁謀千古之利而驅其害惟有
大力者能之乎愚竊抱區區之意而不自知其踈濶
也

驛傳篇

恤民之政多端而臨以驛傳為尤急盖有驛則官勞
官勞民未有不勞者也有驛則差擾差擾民未有不
擾者也勞而不知其勞擾而不以為擾何道可哉曰
在得其條理而已予嘗謂不擾民斯不悞差聞者詫
焉夫所謂不擾民者事有條理之謂也事有條理則
差何悞又嘗取而譬之民猶器也官猶手也良工之
手習知其器而器亦若習知其手手與器相習故工
易集官與民相習故事易舉此非鹵莽因循苟且之

臨晉縣志

上篇

卷一

四十三

所能辦也臨之驛馬七十七匹歲銷銀二千八百六

十九兩有奇

本驛額馬四十八匹銷銀壹千八百二十一兩有奇虞鄉協濟馬二十六匹銷

銀九百八十六兩有奇鳳臺協濟馬三匹銷銀一百七兩有奇近因安設御塘拴雇民馬三十匹

馬夫三十八名半歲銷銀五百一十四兩有奇

本驛馬夫

二十四名銷銀三百二十七兩有奇虞鄉馬夫十三名銷銀一百七十七兩有奇鳳臺馬夫一名半銷銀

十七兩有奇 廠夫九十名歲銷銀一千二百一兩有奇

本驛

廠夫六十名銷銀八百一十三兩有奇虞鄉廠夫三十名銷銀四百六兩有奇 此其額也夫

有在官之值於民無累惟大差踵至馬數或不敷於是
是有拴雇民馬借用民馬之說其在村也吏胥搜索

以為奸其在站也人畜守候而莫釋甚至商賈之行
李往來皆有截留之苦故旅人之出吾途者如禽奔
獸遯欲急脫於罔獲之中而惟恐其不能避予蒞臨
二載無良策乃屬耆老有識之士陰求其所以羣謂
予曰民馬之累也以官避用馬之名而委其事於胥
隸保長故其弊不可勝言今為民計為差計莫若明
示民以差事煩驛馬之正額不足不得有拴雇拴
雇不足不得有借用惟借馬當有定時有定數按
村之大小定馬數之多寡以次而應每歲一週使民

皆習知其數習知其時差至不待票催而來差竣不
俟吏呼而去如遇東西大差相值民馬不能驟應或
助以富戶或助以鄰封尤當因時調劑靜以攝之毋
為事勢所撓於喧囂匆迫之中亂其指如是則民不
知有差之擾而差亦咄嗟可辦矣予聞而首肯行之
二載民似有目擊而心諭安行而自得者嗚呼民未
嘗不樂奉其上也特上無以恤之而因差以擾之於
是有心者怨有口者謗雖嚴刑峻法以斬撻其民而
民益悖矣夫以斧析薪勢自易易不循其理或斧缺

而薪不可析况有父母斯民之責固斷斷不可如斧而民情之難析猶不止於薪而已乎或曰馬不擾矣擾民固有不止於馬者繩繮羈絡之類在廐有需也毡毯葦席之類在館有需也杯盤甕盞鷄鴨羊酒之類厨傳有需也每大差臨境票催紛紜民望之如風雨雷霆遽然而至截然而下惴惴然無所逃遁於是奸人猾吏得代應其在官之役而倍蓰以索其償所謂差用一民費百其勢固如此也予以為凡此之類悉宜裁去官歲費不過二三百緡民之受惠無已或

又曰此猶在站應差之累也在號之草豆雖無差亦所必需豆糴於斗戶無甚害草有僦載之煩驛書上下其手數無從稽是不可不有定額驛之馬歲需草四十餘萬今當軍需旁午外差之增亦不過十餘萬耳按村里大小遠近均其苦樂凡任輦而來者毋使在號司事之人稽留之詬誶之浮收而狼戾之時時嚴訪周咨雖弊不盡絕亦無從肆矣夫驛之為民累也非必其官有暴鷲淫虐之行也宴安偷惰而假手其人斯民乃重困吾以為司驛之家丁當擇稍知

義理有恤民心者為上如不可得則柔懦謹畏之人
其次也今之所謂能 長隨 近曰隨官 則斷不可夫
在號不過司馬騾之飼養芻粒之秤量而已何能之
與有大差供應則視官之條理若何耳豈恃此輩哉
噫他邑之民供賦稅而已臨則有驛傳之煩他邑之
有驛傳者或地廣民殷猶易為力也臨當九達地不
及百里土瘠民疲省檣而用之尚恐不繼况擾之乎
哉予故曰恤民之事多端而臨以驛傳為尤急也若
夫公侯卿士剋盖而至吾驛者傷此邑之為繁一切

臨晉縣志

上篇

卷一

四十六

車馬舍館穀核之供弗屑屑焉爭較錙銖而稍加憫
惻焉則官與民俱受其福已

舖舍篇

舖不曰遞而曰舍舖無遞也曷為乎無遞曰遞而悞也悞則可不懲乎曰時懲也時懲則曷為悞乎曰值不足以代耕故舖兵有兼傭懲猶悞也然則為之奈

何曰易馬而可舖路於臨有三總舖一裁舖四

總舖在縣

城南路曰王村南王任陳西至蒲州府八十五里東至猗氏縣三十里東北路曰柳村馬村至萬泉九十里西北路曰周吳郭庄南至蒲州府五十里北至榮河縣六十里舊有城西吳村北王去村四舖今裁王村一舖

乃新設 計兵二十有三計值百有三十八兩他邑有

謂臨晉三路每路一馬也

費不增乎兵也

臨晉縣志

上篇

卷一

四十七

然則請而易之可乎曰亟請矣請而未之易矣盖成例之沿久矣

